





妙法蓮華經卷第二

溫陵開元蓮寺比丘

戒環

辟喻品第三

二喻說一周被中根



辟者引淺况深喻者托言訓曉由前法說示多方便皆為一

乘上智已悟中根未解故引三車一門之淺以况三乘一道

之深而訓曉焉故名辟喻品經有九喻謂火宅窮子藥草化

城繫珠鑿井王髻父少醫師舊唯言七喻遺却鑿井父少二

喻謂是旁出實非旁也喻說文二初法說緒餘二喻說正文

然法說緒餘合聯前品之末喻說名題合標緒餘之後而分

品似濫者身子既自領悟法說欲以悟人故陳悟喜之意而

為機起疑發茲喻說然則悟喜等意乃為喻說之由宜屬此

品文不為濫  
今初法說緒餘四

初身子領悟四

初悟喜



尔時舍利弗踊躍歡喜即起合掌瞻仰尊顏而白佛言今從世尊聞此法音心懷踊躍得未曾有

身子既悟法說自知作佛故踊躍而作慶所未聞所以者何我昔從佛聞如是法見諸菩薩受記作佛而我等不預斯事甚自感傷失於如來無量知見

釋上也謂昔者方等會上共聞是法然彼得授記我乃不預是失如來無量知見今既得之所以踊喜無量知見即一乘正智也

二悔責

世尊我常獨處山林樹下若坐若行每作是念我等同入法性云何如來以小乘法而見濟度是我等各非世尊也

居常推尅聞同記異非佛所私於實在我同入法性謂同證真理

所以者何若我等待說所因成就阿耨多羅三藐三菩提者必以大乘而得度脫然我等不解方便隨宜所說初聞佛法遇便

信受思惟取證

釋自咎也所問即般若實智為菩提正因

也佛固將說而我不款待但初聞四諦即便信受速取小果蓋自誤也

三自慶

世尊我從昔來終日竟夜每自剋責而今從佛聞所未聞未曾有法斷諸疑悔身意泰然快得安隱今日乃知真是佛子從佛口生從法化生得佛法分

自慶所悟也口生者因聞壹音法生者悟如是法法分者得如來知見寶藏之分也

四重頌

尔時舍利弗欲重宣此義而說偈言 文四 一頌悟喜

我聞是法音 得所未曾有 心懷大歡喜 疑網皆已除

昔來蒙佛教 不失於大乘 佛音甚希有 能除衆生惱

我已得漏盡 聞亦除憂惱 法音指法說也漏盡宜無

憂惱而云亦除者向雖漏盡餘習未盡今得極證則除失大乘之憂及餘習未盡之惱

二頌悔責



我處於山谷 或在林樹下 若坐若經行 常思惟是事

為呼深自責 云何而自欺 頌居常自咎也

我等亦佛子 同入無漏法 不能於未來 演說無上道

金色三十二 十力諸解脫 同共一法中 而不得此事

八十種妙好 十八不共法 如是等功德 而我皆已失

我獨經行時 見佛在大眾 名聞滿十方 廣饒益眾生

自惟失此利 我為自欺誑

頌不預授記失佛功德也三十二相初可足下安平終至頂

相高圓猶如天蓋十力初自處非處智力終至未斷習氣智

力八十種好初自拍爪狹長終至肖萬字相十八不共謂不

與二乘共也初自無過失終至知過現未事無著無礙

我常於日夜 每思惟是事 欲以問世尊 為失為不失

我常見世尊 稱讚諸菩薩 以是於日夜 籌量如此事

見讚菩薩知我之非故籌量其失 三頌自慶

今聞佛音聲 隨宜而說法 無漏難思議 今眾至道場

而今乃知隨宜之說皆無漏法直可以證道也

我本著邪見 為諸梵志師 世尊知我心 拔邪說涅槃

我悉除邪見 於空法得證 尔時心自謂 得至於滅度

而今乃自覺 非是實滅度 感悟自慶也身子昔事珊

闍耶為外道梵志之師因佛為之拔邪說法乃入佛道

若得作佛時 具三十二相 天人夜叉眾 龍神等恭敬

是時乃可謂 永盡滅無餘

於空偏證非是實滅即相圓證始謂無餘永盡滅即無餘涅槃也

佛於大眾中 說我當作佛 聞如是法音 疑悔悉已除

膝偈首之詞通結也上頌長行已終

四別自釋疑二 初徵疑自釋

初聞佛所說 心中大驚疑 將非魔作佛 惱乱我心耶



佛以種種緣 譬喻巧言說 其心安如海 我聞疑網斷  
初聞會三歸 一聲聞得佛 以非已智分故疑之 及詳觀佛說  
其心如海窮之益深測之益遠 乃信為實道無復疑也  
二引證釋疑

佛說過去世 無量滅度佛 安住方便中 亦皆說是法  
現在未來佛 其數無有量 亦以諸方便 演說如是法  
如今者世尊 從生及出家 得道轉法輪 亦以方便說  
世尊說實道 波旬無此事

此引方便品 三世道同及自行道同之文 以自釋也 波旬魔名  
以是我定知 非是魔作佛 我墮疑網故 謂是魔所為  
聞佛柔輭音 深遠甚微妙 演暢清淨法 我心大歡喜  
疑悔永已盡 安住實智中 我定當作佛 為天人所敬  
轉無上法輪 教化諸菩薩  
殊釋前疑 以由領悟也 實智即一乘正智也 夫身子大智於

佛聞法宜不言而諭 乃網繆疑慮 至於以佛為魔者 蓋道大  
機小乍聞其言 鮮不悖戰眩亂 而非毀交謫 辟聞姑射之說  
以為狂而不信 望哀駘之風 以為惡駭天下 蓋後世未俗聞  
佛道者 類多如此 則大智疑慮有所為而設矣 二如來述成  
尔時佛告舍利弗 吾今於天人沙門婆羅門等大眾中 說我昔  
曾於二萬億佛所 為無上道 故常教化汝 汝亦長夜隨我受學  
我以方便引導汝 故生我法中

述其本因 以明領悟得記之由也 言於天人眾中 說者將明  
遠因 遠記示不安也 戒經云 舍利弗 曾於六十劫 脩菩薩道  
今云 二萬億佛所 指彼時也 長夜隨學 言正智未明

舍利弗 我昔教汝 志願佛道 汝今忘忘 而便自謂 已得滅度 我  
今還欲 令汝憶念 本願所行道 故為諸聲聞 說是大乘經名妙  
法蓮華教 菩薩法佛所護念

昔已繫珠 今復示珠

三上根得記二

一與記



舍利弗汝於未來世過無量無邊不可思議劫供養若干千萬億佛奉持正法具足菩薩所行之道當得作佛號曰華光如來應供正遍知明行足善逝世間解無上士調御丈夫天人師佛世尊

既悟妙法當成佛道故得記作佛也諸授記文皆二初供佛行道因記也次十號劫國果記也此記大因大果以策進小乘也號華光者華表因行光能發明由最初領悟發明是道故也既受佛記猶過多劫然後得果者成佛由智得果由行小乘雖悟實智未修大行是謂素法身佛未有莊嚴故須經劫供佛行菩薩道所以廓其大心成就萬德萬德圓備乃成十號具足之佛非自性天真之佛比矣若此頓教所謂過無量不思議劫者直約正智頓斷無明頓圓種智則無邊劫迷一時頓滅是謂過無邊劫成佛

國名離垢其土平正清淨嚴飾安隱豐樂天人熾盛琉璃為地有八交道黃金為繩以界其側其傍各有七寶行樹常有華果

華光如來亦以三乘教化衆生舍利弗彼佛出時雖非惡世以本願故說三乘法其劫名大寶莊嚴何故名曰大寶莊嚴其國中以菩薩為大寶故

劫國莊嚴皆因行依報也身子因行以大智為本故國名離垢因行發明教菩薩法故劫名大寶莊嚴而以菩薩為大寶清淨嚴飾則無諸穢土安隱豐樂則無三災苦天人熾盛則無三惡道有八交道等者八正道之所會也七寶行樹等者七覺支之所生也凡諸佛依報皆然蓋因行所同也若衆生依報則國名堪忍劫名五濁其土坑坎沙礫為地亦因行所同也反而求之離垢清淨之相皆即心地安隱豐樂之事無非性德染淨轉變常存乎人使衆生不為堪忍苦不起五濁業不行邪諂行則真離垢平正安隱豐樂之國矣

彼諸菩薩無量無邊不可思議算數譬喻所不能及非佛智力無能知者若欲行時寶華承足此諸菩薩非初發意皆久植德



本於無量百千萬億佛所淨修梵行恒為諸佛之所稱歎常備  
佛慧具大神通善知一切諸法之門質直無偽志念堅固如是  
菩薩充滿其國舍利弗華光佛壽十二小劫除為王子未作佛  
時其國人民壽八小劫

除為王子時獨記作佛後壽十二劫

華光如來過十二小劫授堅滿菩薩阿耨多羅三藐三菩提記  
告諸比丘是堅滿菩薩次當作佛號曰華足安行多陀阿伽度  
阿羅訶三藐三佛陀其佛國土亦復如是

此身子轉記堅滿使傳續妙道也過十二小劫即臨滅時也  
法華妙道本於燈明傳於妙光繼於然燈佛佛授手光光相  
續故身子得之而記號華光蓋發明是道使有目者共覩也  
堅滿得之又號華足安行則率循是道使有趾者共由也至  
於其國菩薩行則寶華承足則從其化者莫不由是道也抑  
記號華足安行取其帶果行因也菩薩寶華承足取其藉因

趨果也因果互為始終展轉不離是道欲續而不泯故有轉  
記

舍利弗是華光佛滅度之後正法住世三十二小劫像法住世  
亦三十二小劫 法初盛行人能以現量體悟為正去聖

逾遠人惟以比量做解為像正法教理行果備具像法有教  
理行而無果故古多聖賢得道今乃蔑聞此正像異効也及  
乎末法則空騰似量荒唐無實雖有教理無行果矣

二重頌

余時世尊欲重宣此義而說偈言

舍利弗來世

成佛普智尊

號名曰華光

當度無量眾

供養無數佛

具足菩薩行

十力等功德

證於無上道

過無量劫已

劫名大寶嚴

世界名離垢

清淨無瑕穢

以琉璃為地

金繩界其道

七寶雜色樹

常有華果實

彼國諸菩薩

志念常堅固

神通波羅蜜

皆已悉具足



於無數佛所 善學菩薩道 如是等大士 華光佛所化  
佛為王子時 棄國捨世榮 於最末後身 出家成佛道

此偈全頌與記皆即前意普智即遍知也佛為王子時者諸  
佛皆示為王子棄國捨榮警諸貪著如八意之於燈明十六  
之於智勝是也生分已盡梵行已立所作已辦不受後有名  
最後身

最後身

華光佛住世 壽十二小劫 其國人民眾 壽命八小劫

佛滅度之後 正法住於世 三十二小劫 廣度諸眾

正法滅盡已 像法三十二 舍利廣流布 天人普供養

華光佛所為 其事皆如是 其兩足聖尊 最勝無倫匹

彼即是汝身 宜應自欣慶 四天人讚喜四 初踊喜

尔時四部眾比丘比丘尼優婆塞塞優婆夷天龍夜叉乾闥婆阿  
修羅迦樓羅緊那羅摩睺羅伽等大眾見舍利弗於佛前受阿  
耨多羅三藐三菩提記心大歡喜踊躍無量

踊喜以謂我等亦如是必當得作佛

二供佛

各各脫身所著上衣以供養佛釋提桓因梵天王等與無數天

子亦以天妙衣天曼陀羅花摩訶曼陀羅華等供養於佛所散

天衣住虛空中而自迴轉諸天伎樂百千萬種於虛空中一時

俱作雨眾天花 衣服人之發表也性障天之發表也迴

轉即迴向意也諸天因聞妙法得離性障遂迴小向大是以

脫衣供佛以藉其誠表解天發障天表也衣住空中而自迴

轉乃迴向精誠所感也 三稱讚

而作是言佛昔於波羅奈初轉法輪今乃復轉無上最勝大法輪

昔轉四諦為最小今轉一乘為最大 四重頌

尔時諸天子欲重宣此義而說偈言 文三 一頌稱讚

昔於波羅奈 轉四諦法輪 分別說諸法 五眾之主滅

今復轉最妙 無上大法輪 是法甚深奧 少有能信者

鹿苑分別五趣眾生滅鹿相客有能信今茲一乘自妙義



與故少能信者

二須喜意

我等從昔來 數聞世尊說 未曾聞如是 深妙之上法  
世尊說是法 我等皆隨喜 大智舍利弗 今得受身記  
我等亦如是 必當得作佛 於一切世間 最尊無有上

三結讚迴向

方便隨宜說 我所有福業 今世若過世

佛道叵思議 及見佛功德 盡迴向佛道

結讚自擔迴小向大也謂今世前世之福業及值佛所作之

功德皆擔捨小果迴向佛道叵從反可謂不可也

二喻說正文四

初發起喻說四

初身子自慶

尔時舍利弗白佛言世尊我今無復疑悔親於佛前得受阿耨

多羅二藐三菩提記

二為發起疑

是諸千二百心自在者昔住學地佛常教化言我法能離生老

病死究竟涅槃是學無學人亦各自已離我見及有無見等謂

得涅槃而今於世尊前聞所未聞皆墮疑惑

心自在即無學羅漢學無學即小聲聞昔蒙佛教自謂究竟

而息見趣寂今聞雖說涅槃亦非真滅是以疑惑也

三請佛決疑

善哉世尊願為四眾說其因緣令離疑惑

四佛與開諭

尔時佛告舍利弗我先不言諸佛世尊以種種因緣譬喻言詞

方便說法皆為阿耨多羅三藐三菩提耶是諸所說皆為化菩

薩故然舍利弗今當復以譬喻更明此義諸有智者以譬喻得

解 上皆發起喻說下文正演喻說

二引火宅喻明昔權教皆為化迷也文十 一宅主財力

舍利弗若國邑聚落有大長者其年衰邁財富無量多有田宅

及諸僮僕

譬佛王化三界也國有邑邑有聚落譬大千有

三界三界有六道四生大長者譬如來為一切世間之父其

年衰邁譬應緣已久欲般涅槃也財富無量譬無量知見之



法財多有田宅辟方便智慧之福田僮僕辟慈悲無倦以佑助正道從事群機

其家廣大唯有一門多諸人衆一百二百乃至五百人止住其中

人辟五趣衆生言一百二百者自人天次第而數也  
三宅弊火逼

堂閣朽故墻壁墮落柱根腐敗梁棟傾危周市俱時欻然火起

焚燒舍宅 辟身老苦逼也家有堂閣舍宅舍宅有墻壁柱根梁棟皆朽腐將傾而不可居辟三界有五陰衆生衆生有四大命根支體皆變異速壞而不可保然且於中競造惡業為五欲財利生死悲惱之所燒者天上人間無能免者故曰周市俱時欻然火起

長者諸子若二十或至三十在此宅中

言五百人又言諸子者人則汎舉群生子則特舉從化者若

十指菩薩子二十三十指二乘子前於五趣言百此於三乘言十者以五趣衆生從三乘之化者十一而已

四長者悲救  
長者見是大火從四面起即大驚怖

辟觀六道苦起大悲心四面即生老病死四相為衆苦之本而作是念我雖能於此所燒之門安隱得出而諸子等於火宅

內樂著嬉戲不覺不知不驚不怖火來逼身苦痛切已心不厭患無求出意 所燒之門安隱得出辟佛於生死苦永盡

憂患不能籠繫也諸子樂著不覺不怖辟深著世樂無有慧心徒見得忘形見利忘真火宅之人皆如是也

舍利弗是長者作是思惟我身手有力當以衣裓若以几案從舍出之復更思惟是舍唯有一門而復狹小

沉思救焚之方也謂恃身手有力願幼稚之微欲以衣裓密扶而出之或以几案憑擊而出之又思其門狹小不可用此



但以殷勤方便引而出之也此辟三七思惟設教之意身手全體辟如來知見力無所畏衣祴密用辟有大神力几案可憑辟智慧力其門狹小辟二乘心劣不堪此法故後文云若我但以神力及智慧力讚如來知見力無所畏者衆生不能以是得度故但以方便接濟之也三歲法師云衣祴者西國盛華之具貢上貴人用之

諸子幼稚未有所識戀着戲處或當墮落為火所燒我當為說怖畏之事此舍已燒宜時疾出無令為火之所燒害作是念已如所思惟具告諸子汝等速出

憂其無知明告其害使知趨利

五諸子癡迷

父雖憐愍善言誘喻而諸子等樂着嬉戲不肯信受不驚不畏了無出心亦復不知何者是火何者為舍云何為失但東西走戲視父而已

辭衆生為貪欲所迷雖遭大苦不以為患耽湏既甚不知何者是苦何者是身云何為貪但迷已逐物

火馳不返雖值佛法不從其化特視之而已 六長者方便

尔時長者即作是念此舍已為大火所燒我及諸子若不時出必為所焚我今當設方便令諸子等得免斯害父知諸子先心各有所好種種玩弄奇異之物情必樂着而告之言汝等所可玩好希有難得汝若不取後必憂悔如此種種羊車鹿車牛車今在門外可以遊戲汝等於此火宅宜速出來隨汝所欲皆當與汝 徒令速出則佛其所欲既不能化故順其所欲而化之長者亦自恐被焚者辟佛示身三界與民同患也知子所好等者辟知諸衆生有種種欲隨其本性方便說三也車表果法不屬三界故云今在門外可以遊戲者喻法樂可以自娛也牛正服乘之大力者正辟大根以任大乘羊鹿非可服乘徒以像牛為幼稚玩好之具權辟小根以任小乘知羊鹿非可服乘徒為玩好之具則知二乘不足致道徒為戲論之法而已 七諸子出宅



尔時諸子聞父所說玳玩之物適其願故心各勇銳互相推排  
競共馳走爭出火宅

之為排此爭出之勢也言適其欲故化無不從進之為推退

是時長者見諸子等安隱得出皆於四衢道中露地而坐無復

障礙其心泰然歡喜踊躍乍喜諸子脫苦也四衢露

坐等坐等辟依四諦造偏空而不知進也

時諸子等各白父言父先所許玩好之具羊車鹿車牛車願時

賜與賜與諸子出宅就父索車辟因獲三乘之利遂執三乘

之果之果長者賜車

舍利弗尔時長者各賜諸子等一大車

辟說三之後等示一乘使知無二無三即廢權立實也

其車高廣衆寶莊校周而欄楯四面懸鈴又於其上張設憶蓋

亦以珍奇雜寶而嚴飾之寶繩交絡垂諸華璽重敷婉筵安置

丹枕駕以白牛膚色充潔形體姝好有大筋力行步平正其疾

如風又多僕從而侍衛之

車辟一乘牛辟大根餘表一乘大根之德用也其車高廣者

高出三乘廣攝九部也衆寶辟萬行欄楯辟惣持懸鈴辟四

辯之下化憶蓋辟慈悲之普覆雜寶辟衆善所以嚴慈悲也

寶繩辟四誓所以固慈悲也垂諸華璽則外布妙因聯續如

嬰重敷婉筵則內弘忍力柔軟如筵安置丹枕者使心冥覺

觀而默處是道也駕以白牛者非純一大根不堪此乘也膚

色充潔得其所養而無染也形體姝好全其所賦而無惡也

有大筋力辟堪任大事行步平正辟允蹈大方其疾如風辟

一念頓造又多僕從辟方便利生助道之事摠而辟之即後

所謂諸佛禪定解脫等娛樂之具一相一種淨妙之樂也

所以者何是大長者財富無量種種諸歲悉皆充溢而作是念

我財物無極不應以下劣小車與諸子等

釋所以賜等一大車之意辟如來有無量知見力無所畏諸



佛法藏能與衆生大乘之法

今此幼童皆是吾子愛無偏黨我有如是七寶大車其數無量  
應當等心各各與之不宜差別

辟諸衆生皆是我子等與大乘不令有人獨得滅度

所以者何以我此物周給一國猶尚不匱何況諸子

萬物皆往資焉而不匱此之謂也

是時諸子各乘大車得未曾有非本所望

辟二乘得佛過其所望

九覆審誕信

舍利弗於汝意云何是長者等與諸子珍寶大車寧有虛妄不

問許三而賜一猶始權而終實始終相違涉虛妄不

舍利弗言不也世尊是長者但令諸子得免火難全其軀命非

為虛妄何以故若全身命便為已得玩好之具况復方便於彼

火宅而拔濟之  
以全身命為得玩好者身之可玩固甚於

物蓋身為道本本全則道全所以至人常遺物抱道以全身

養生而火宅之人唯物之玩不自貴愛故此警之耳

十結不妄

世尊若是長者乃至不與最小一車猶不虛妄何以故是長者

先作是意我以方便令子得出以是因緣無虛妄也何況長者

自知財富無量欲饒益諸子等與大車佛告舍利弗善哉善哉

如汝所言

三以法合顯十

一合宅主財力

舍利弗如來亦復如是則為一切世間之父

視四生如一子等三界以同仁

於諸怖畏衰惱憂患無明暗蔽永盡無餘

怖畏惱患即三界苦相無明暗蔽即四生苦本於此永盡即

如如佛

而悉成就無量知見力無所畏有大神力及智慧力具足方便

智慧波羅密大慈大悲常無懈倦恒求善事利益一切

知見力無畏正智也方便智度權智也神力智力所以資真正



智慈悲無倦所以運權智

二合家廣人衆

而生三界朽故火宅為度衆生生老病死憂悲苦惱愚癡暗蔽  
三毒之火教化令得阿耨多羅三藐三菩提

由慈悲故示生三界之家濟度五趣之衆以自永盡無明暗  
蔽故欲度衆生愚癡暗蔽以自成就無量知見故欲令衆生  
得大菩提所謂欲令一切衆如我等無異也 三合宅弊火逼

見諸衆生為生老病死憂悲苦惱之所燒煮亦以五欲財利故  
受種種苦又以貪着追求故現受衆苦後受地獄畜生餓鬼之  
苦若生天上及在人間貧窮困苦愛別離苦冤憎會苦如是等  
種種諸苦衆生沒在其中歡喜遊戲不覺不知不驚不怖亦不  
生厭不求解脫於此三界火宅東西馳走雖遭大苦不以為患

此備舉三界火宅苦狀該三世六道因果也生老病死憂悲  
苦惱為果業屬前因五欲財利追求等苦為因業屬後果畜  
生餓鬼天上人間即緣上因果成六道業化為異類淪替不

停實可驚怖彼且喜而不厭遭而不患實癡暗所蔽

四合長者悲救

舍利弗佛見此已便作是念我為衆生之父應拔其苦難與無  
量無邊佛智慧樂令其遊戲舍利弗如來復作是念若我但以  
神力及智慧力捨於方便為諸衆生讚如來知見力無所畏者  
衆生不能以是得度

無邊佛智慧樂即一乘法樂如來知見力無所畏即一乘法體  
雖足以拔苦然非凡夫事故不能以是得度 五合諸子癡迷  
所以者何是諸衆生未免生老病死憂悲苦惱而為三界火宅  
所燒何由能解佛之智慧

所以不能以是得度者為衆苦所迷故

六合長者方便

舍利弗如彼長者雖復身手有力而不用之但以殷勤方便勉  
濟諸子火宅之難然後各與珍寶大車如來亦復如是雖有力  
無所畏而不用之但以智慧方便於三界火宅拔濟衆生為說



三乘聲聞辟支佛佛乘

法喻雙明

而作是言汝等莫得樂住三界火宅勿貪鹿弊色聲香味觸也若貪着生愛則為所燒

此善言誘諭力拔其苦也色等五欲俗以為軟美佛以為鹿弊為皆幻惑濁惡能發業苦實致火之具也故貪着生愛則為所燒

汝速出三界當得三乘聲聞辟支佛佛乘我今為汝保任此事終不虛也汝等但當勤脩精進如來以是方便誘進眾生復作是言汝等當知此三乘法皆是聖所稱歎自在無繫無所依求乘是三乘以無漏根力覺道禪定解脫三昧等而自娛樂便得無量安隱快樂示以三乘而讚其法使向慕也此三乘

法聖所稱歎者諸佛共尊也能離生死故自在無繫異有為法故無所依求得是乘者斯得無漏五根五力七覺支八正道四禪九次第定八解脫諸三昧法足以娛樂脫三界苦

七合諸子出宅三

初聲聞乘

舍利弗若有眾生內有智性從佛世尊聞法信受發勤精進欲速出三界自求涅槃是名聲聞乘如彼諸子為求羊車出於火宅此辨三乘根性不等取果有異如彼諸子玩好不同

內有智性者謂正因信種揀非闡提也內有是因故從佛為緣觀四諦理聞聲悟道名聲聞乘欲速機小故譬羊車

二緣覺乘

若有眾生從佛世尊聞法信受發勤精進求自然慧樂獨善寂深知諸法因緣是名辟支佛乘如彼諸子為求鹿車出於火宅辟支此云獨覺亦通緣覺出無佛世觀物變易自覺無生故號獨覺觀十二緣覺真諦理故號緣覺求自然慧樂獨善寂即獨覺也深知諸法因緣即緣覺也此乘斷三界見思與聲聞同更侵斷習氣根性猛利故居聲聞上其機稍大故譬鹿車

三菩薩乘



若有衆生從佛世尊聞法信受勤修精進求一切智佛智自然  
智無師智如來知見力無所畏愍念安樂無量衆生利益天人  
度脫一切是名大乘菩薩求此乘故名爲摩訶薩如彼諸子爲  
求牛車出於火宅

此無三乘集衆智之大根也一切智即  
菩薩智也佛智即一切種智也自然即離諸證取者無師即  
不由他悟者能求衆智及如來知見廣大德用而愍安利度  
所以爲大菩薩其機爲最故辭牛車

八合長者賜車二

初牒

舍利弗如彼長者見諸子等安隱得出火宅到無畏處自惟財  
富無量等以大車而賜諸子

此牒見子得出露地而坐自念財物無極不與小車等文 咨  
如來亦復如是爲一切衆生之父若見無量億千衆生以佛教  
門出三界苦怖畏險道得涅槃樂如來亦時便作是念我有無  
量無邊智慧力無畏等諸佛法藏是諸衆生皆是我子等與大

乘不令有人獨得滅度皆以如來滅度而滅度之

合上可明出三界苦得涅槃樂即權乘小果如來滅度而滅  
度之即大乘極果

是諸衆生脫三界者悉與諸佛禪定解脫等娛樂之具皆是一  
相一種聖所稱歎能生淨妙第一之樂

疏上等與大乘之意也謂彼脫三界者雖得小乘禪定解脫  
然猶馱有著空非一相也裂爲二乘非一種也執著未除非  
淨也空有未融非妙也故與之諸佛禪定解脫娛樂之具一  
相一種淨妙之樂如彼大車衆美具備

九合誕信

舍利弗如彼長者初以三車誘引諸子然後但與大車寶物莊  
嚴安隱第一然彼長者無虛妄之咎 先牒次結 十結不安

如來亦復如是無有虛妄初說三乘引導衆生然後但以大乘  
而度脫之何以故如來有無量智慧力無所畏諸法之藏能與  
一切衆生大乘之法但不盡能受舍利弗以是回緣當知諸佛



方便力故於一佛乘分別說三

惣結前文也不盡能受者機不齊故

四重頌

佛欲重宣此義而說偈言

文五

初頌引喻十

初頌譬本

譬如長者 有一大宅

譬佛王三界

二頌宅弊人衆

其宅久故

而復頹弊

堂舍高危

柱根摧朽

梁棟傾斜

基陛墮毀

牆壁圯圻

泥塗墮落

覆苫亂墜

椽栿差脫

周障屈曲

雜穢充遍

有五百人

止住其中

大宅譬三界堂舍譬人身三界之相其來無始故曰久故五

濁同會故曰頹弊五陰堂舍虛幻架構危而易傾命無牢強

若柱根之摧朽質非貞固類梁棟之傾斜無明為基所以成

是堂也餘緣為陛所以入是堂也是十二緣念念變異故曰

基陛頹毀墻壁圯圻譬四大之衰謝泥塗墮落皮膚之皴皵

覆苫譬毛髮椽栿譬骸骨苦茅覆也地壞也亂墜差脫皆敗

壞之狀此其外相也其內則關膈府藏周障屈曲膿血便利

雜穢充遍其弊敗不淨若此而俗尤癡愛貪著故詳喻之五

百人者五道衆生所共有也椽栿一類在簷曰椽在脊曰栿

椽從緣相緣屬也栿從呂如脊骨也

結文云其舍恐怖變狀如是是也

鴟梟鷂鷲

烏鵲鳩鴿

虻蛇蝮蝎

蜈蚣蚰蜒

守宮百足

鼯狸鼯鼠

諸惡虫輩

交橫馳走

身為苦器主殺盜淫謂之三業意為苦本主貪嗔癡謂之三

毒身三意三相資而互具也今鴟等八鳥譬貪毒而具三業

鴟取生類土梟相食具殺貪也鷂善搏兔鷲食死死具盜貪

也烏鵲鳩鴿傳沫自運具淫貪也餘皆可推虻等六虫譬嗔

毒虻元也為毒之首蛇同類其性多嗔蝮復也晝不能視觸

之則復而螫人人得復而殺之蝎多處陰而不可知蜈蚣蚰

蜒善伏而含毒凡嗔之類如此或天性之嗔毒如蛇或觸

之而後嗔又如蝮或非色作愠現徒陰險以嗔人潛伏以毒



人如蝎蜈蚣之類是也守守等六虫辟癡毒守官類蛇蝎多在陰室百足名蛇蝎之類多足而行不進鼯鼠之類能由穴取鼠狸狐之類老為精魅魘甘口鼠物遇食而不知痛傷鼠多奸而善藏癡者陰昧濡滯潛傷奸伏其狀如此諸惡虫輩交橫馳走辟三毒交擾鬪競不休也  
二四倒相  
屎尿臭處 不淨流溢 蜚蝗諸虫 而集其上 狐狼野干 咀嚼踐踏 齧齒死屍 骨肉狼藉  
於身受心法四念失正為倒屎尿臭處不淨流溢辟身倒也觀身不淨如此而俗以為香潔蜚蝗諸虫而集其上辟受倒也觀受是苦如此而俗以為欲樂遂於革囊衆穢生美麗想而或着不捨真若蜚蝗之集不淨也狐狼野干咀嚼踐踏辟心倒也狐多疑狼害物野干變怪倒心似之觀心無常則一切法皆不足戀然且咀踐纏着豈非倒耶齧齒死屍骨肉狼藉辟法倒也觀法無我猶如死屍由疑倒心妄計窮詰是謂

齊齒轉見倒妄是謂狼藉也野干類狐巢危岩高木群行夜鳴怪獸也齒決曰齧斷骨曰齧  
三六識相  
由是羣狗 競來搏撮 飢羸悻悻 覓處求食 鬪諍擅掣 嗥嗷嗥吠 狗性苟且而善執守辟識情執着也群狗辟六識搏撮即執取義一切幻法無可愛樂而六識安着無異群狗競搏死屍也言由是者由四倒而發六識由六識而發三毒展轉相資也悻悻求食辟識倒而發貪也鬪諍擅掣辟識倒而發嗔也嗥嗷嗥吠辟識倒而發癡也六識三毒倒妄相困於諸幻境競執貪求其狀如此擅掣相制奪也嗥嗷拒物之惡聲也  
四結  
其舍恐怖 變狀如是 四怖畏難五  
結文云如是諸難是也 一問時難  
處處皆有 魑魅魍魎 言宅多 物也辟者性覺本明離明而昧曰魑魅心本一真物因而二曰魑魍言處處者人人



性皆若是此為起難之端故首言之

二無明三毒難

由因昧而起無明由無明而起三毒也

夜叉惡鬼 食散人肉 毒虫之屬 諸惡禽獸 孚乳產生

各自蔽護 夜叉競來 爭取食之 食之既飽 惡心轉熾

鬪諍之聲 甚可怖畏 夜叉此云苦活辟無明識種攬眾苦

以自活而戕害法身故辟食散人肉毒虫禽獸通辟三毒孚

乳產生言其類日滋各自蔽護辟畜積忿毒不可凌犯夜叉

競來爭取食之辟互起無明交相惱害食之既飽惡心轉熾

辟以三毒而資無明猶以膏而益火所以轉熾也鬪諍之聲

甚可怖畏辟無明三毒彼此交攻如夜叉之鬪鬪真可畏也

孚卵屬以瓜保之也乳胎屬以乳哺之也又孚乳通保養義

三無常難

鳩槃荼鬼 蹲踞土埵

或時離地

一尺二尺

往返遊行

縱逸嬉戲

捉狗兩足

撲令失聲

以脚加頸

怖狗自樂

鳩槃荼此云可畏辟無常殺鬼也土埵辟地居欲界一尺辟

色界二尺辟無色界三界皆未免無常故殺鬼往返遊行於

其間縱逸殺害親殺如戲馬言踞土埵又言或時離地者地

居命促故殺鬼以踞地為常天居命長故殺鬼或時而往捉

狗兩足等者狗辟識兩足辟行想蓋五蘊自識生行想乃有

所行而識由行想取無常苦如捉其兩足而撲之也識為無

常所苦則行想顛倒故辟以脚加頸也怖狗自樂者識為無

常所怖而殺鬼樂然無怖所謂彼為衰殺非衰殺也

四三惡難

復有諸鬼 其身長大

裸形黑瘦

常住其中

發大惡聲

叫呼求食

復有諸鬼

其咽如針

復有諸鬼

首如牛頭

或食人肉

或復斃狗

身大裸形辟地獄難經云阿鼻地獄

縱廣三十二萬里罪人業力身如鐵花遍滿獄中可謂其身長

大也墮此經歷八萬四千大劫故曰常住其中裸形叫呼即



地獄苦狀也其相如針辟餓鬼難首如牛頭辟畜生難或食  
人肉或復取狗辟三惡道不但傷害法身亦乃苦楚識神也  
頭髮鬚亂 殘害兇險 飢渴所逼 叫喚馳走  
舉諸鬼可畏之狀辟三惡道兇狀行業也頭鬚兇惡也兇險  
行惡也飢逼業惡也三者因果相召迭起故辟叫喚馳走  
五結

五結

夜叉餓鬼 諸惡鳥獸 飢急四向 窺看牕牖 如是諸難

恐畏無量 搃明無明三毒惡習熾盛逐境無厭伺隙而出故

辟飢急四向窺看牕牖古有六牕狝猴之喻其意類此

五頌火逼輪轉五 一火災壞滅 於後宅舍

是朽故宅 属于一人 其人近出 未久之間 爆聲震烈

忽然火起 四面一時 其焰俱熾 棟梁椽柱 鳴驚諸鳥

摧折墮落 墻壁崩倒 諸鬼神等 揚聲大叫 不能自出

鳩槃荼等 周樟惶怖 不能自出

三界無安如朽故宅唯佛能化故属于一人衆生緣盡佛遂  
示滅纔無善化則煩惱增熾故曰其人近出於後火起四面  
俱熾辟生老病死四相同逼也棟梁爆摧辟四支疾苦墻壁  
崩倒辟四大壞散諸鬼神等揚聲大叫辟捨命時神識惶惶  
苦事迫切呻吟狂叫鷓鴣就鳩槃荼不能自出辟三毒業果無常  
苦報交會煩煎莫由免脫也 二業識不止

惡獸毒虫 截窟孔穴 昆舍闇鬼 亦住其中 薄福德故

為火所逼 共相殘害 飲血斃肉 野干之屬 並已前死

諸大惡獸 競來食取 鼻烟蓬勃 四面充塞

火既逼極虫獸窟伏鬼神潛避辟身壞之後三毒不滅唯截

於阿賴耶識生死窟穴也毗舍闍即惱害鬼所謂諸惱人者

辟煩惱之本亦住其中者亦潛伏截識而不亡也薄福德故

為火所逼者所謂生不脩福死歸苦處復於宛中共相斃害

辟於幽陰業識相尋交為難對也野干之屬辟四倒而曰已



死者三毒根本實業不亡四倒支末隨幻起滅故也以隨幻滅則亦為四相所吞故曰諸大惡獸競來食散是烟燄塞者死業交煎逼極之相也 三生死相續

蜈蚣蚰蜒 毒地之類 為火所燒 爭走出穴 鳩槃荼鬼 隨取而食 即前毒虫藏窟為穴內火逼又爭出穴還被鬼食

辟三毒隨識而逝受死報已復生諸趣命未須更又為無常所殺故曰隨取而食也既以苦逼而死復以苦逼而生未須更間又遭殺苦六趣生死凡皆若是也悲哉然生死由識為種而依三毒言者生死苦逼皆由三毒而致故也

四輪迴根本

又諸餓鬼 頭上火然

飢渴熱惱

周樟悶走

圓覺云眾生無始皆因嬌欲而正性命當知輪迴愛為根本愛欲為目愛命為果由於欲境起惑造業是故復生地獄餓鬼今舉餓鬼示愛欲之果也頭上火然示愛欲之目也慾熾

盛為五欲之首故辟頭上火然飢渴熱惱周樟悶走辟為欲業逼惱又逐愛命輪轉諸趣無有窮已 五搥結前辭

其宅如是 甚可怖畏

毒害火災

眾難非一

夫生死循環眾苦逼切真若火宅可畏之狀而俗以倒心自迷徒惑欲愛不知業因苦果皆自此起沉溺其中冥若大夢故我大覺依一身之苦器初明三毒六識之苦相次明無常三惡之苦難終明業識輪迴之苦本喻而示之使由樂而覺苦怖果而絕因則生死迅輪庶幾傳息出火宅難到無畏處實導師慈父之至德也 六頌長者悲救

是時宅主

在門外立

聞有人言

汝諸子等

先因遊戲

來入此宅

稚小無知

歡娛樂著

長者聞已

驚入火宅

方宜救濟

令無燒害

告喻諸子

說眾患難

惡鬼毒虫

災火蔓遮

眾苦次第

相續不絕

毒蛇虻蝮

及諸夜叉

鳩槃荼鬼

野干狐狗

鵩鷲鴟梟

百足之屬

飢渴惱急



甚可怖畏 此苦難處 况復大火

在門外立 辭如來已離 三界火宅 驚入火宅 辟大悲願力示

現受生方 宜猶方便也

諸子無知 雖聞父誨 猶故樂着 嬉戲不已

八頌長者方便 是時長者 而作是念 諸子如此 益我愁惱 今此舍宅 將為火害 玆玩之具 汝等出來

無一可樂 而諸子等 耽酒嬉戲 不受我教 我有種種 今在門外 可以遊戲

即便思惟 設諸方便 告諸子等 今在門外 可以遊戲

妙寶好車 羊車鹿車 大牛之車 隨意所樂 可以遊戲

吾為汝等 造作此車 隨意所樂 可以遊戲

為救稚子 巧說三車 辭為度小智 權說三乘 權則非實 故云

造作酒沉迷也

諸子聞說 如此諸車 即時奔競 馳走而出 到於空地

離諸苦難

辭二乘樂小於空速證

長者見子 得出火宅 住於四衢 坐師子座 而自慶言

我今快樂 此諸子等 生育甚難 愚小無知 而入險宅

多諸毒虫 魑魅可畏 大火猛焰 四面俱起 而此諸子

貪着嬉戲 我已救之 令得脫難 是故諸人 我今快樂

四衢道言子既離難師子座表父得無畏所謂若子病愈父

母亦愈也生育甚難辭人身難得恐癡迷復失故切救之

介時諸子 知父安座 皆詣父所 而白父言 願賜我等

三種寶車 如前所許 諸子出來 當以三車 隨汝所欲

今正是時 惟垂給與

頌諸子索車也

長者大富 庫藏衆多 金銀琉璃 車渠瑪瑙 以衆寶物

造諸大車 裝校嚴飾 周帀欄楯 四面懸鈴 金繩交絡

真珠羅網 張施其上 金花諸瓔 處處垂下 衆絲雜飾

十頌長者賜車



周而圍繞 柔軟縵纒 以為茵褥 上妙細氎 價直千億  
鮮白淨潔 以覆其上 有大白牛 肥壯多力 形體姝好  
以駕寶車 多諸僮從 而侍衛之 以是妙車 等賜諸子  
以富藏眾寶造諸大車 辟於無量知見 演出一乘 然雖一乘  
亦未離造作 蓋既已謂之一矣 當知妙法一亦不守也 裝校  
嚴飾等 辭一乘果法 萬德圓備 唯大根能乘 以佑助正道 方  
便利生 並如前解

諸子是時 歡喜踊躍 乘是寶車 遊於四方 嬉戲快樂  
自在無礙 得一乘妙用 則不滯於一隅 故曰遊於四  
方不縛於諸法 故云嬉戲快樂 蓋戲者之於物 毋意毋必 調  
而應偶 而會曾無縛着之心 道人於一切法 若嬉戲然 乃能  
自在無礙 二頌法合十 一合辭本 世間之父  
告舍利弗 我亦如是 眾聖中尊  
二合宅弊人眾

一切眾生 皆是吾子 深著世樂 無有慧心 三界無安  
猶如火宅 甚可怖畏 三合怖畏相  
眾苦充滿 病死憂患 四合怖畏難  
常有生老 熾然不息 五合火逼輪轉  
如是等火 三界火宅 六合長者悲救  
如來已離 其中眾生 悉是吾子 今此三界  
皆是我有 能為救護 而令此處 多諸患難  
唯我一人 而不信受 於諸欲染 七合諸子癡迷  
雖復教詔 八合長者方便 貪著深故  
以是方便 為說三乘 令諸眾生 知三界苦 開示演說  
出世間道 出世間道 且令脫三界苦 未與開佛知見  
九合諸子出宅 具足三明 及六神通 有得緣覺  
是諸子等 若心決定



不退菩薩

此因三乘得出世間者也不退指地前菩薩皆  
權果也三明者過去宿命現在天眼未來漏盡除三際愚故  
謂之明即六通之三也六通加天耳他心神境  
十合長者賜車

汝舍利弗

我為衆生

以此譬喻

說一佛乘

汝等若能

信受是語

一切皆當

成得佛道

為無有上

佛所悅可

是乘微妙

清淨第一

於諸世間

為無有上

佛所悅可

讚一乘德也

妙契佛心

所以悅可

無量億千

諸力解脫

一切衆生

所應稱讚

供養禮拜

得如是乘

令諸子等

禪定智慧

及佛餘法

與諸菩薩

及聲聞衆

乘此寶乘

常得遊戲

與諸菩薩

及聲聞衆

乘此寶乘

直至道場

一切衆生

至供養禮拜

令尊敬一乘

也無量億千

至及佛餘

法指一乘

所具也諸力

解脫即十力

諸解脫也得

如是乘直

至道場示一乘之利

也得是乘者得智慧

日照生死六等頃

久劫起情量數於一切法優遊自在

故云日夜劫數中得遊

戲直至道場謂直下坐道樹成正覺也

以是因緣

十方諦求

更無餘乘

除佛方便

結顯一乘也

三牒明三

一牒喻警衆

皆是我子

我則是父

告舍利弗

汝諸人等

皆是吾子

我則是父

汝等累劫

衆苦所燒

我皆濟拔

令出三界

二牒明權實

我雖先說

汝等滅度

但盡生死

而實不滅

今所應作

唯佛智慧

若有菩薩

於是衆中

能一心聽

諸佛實法

諸佛世尊

雖以方便

所化衆生

皆是菩薩

我雖先說

至而實不滅

煉昔權也今所應作

唯佛智慧明今

實也不滅言非真證也

若有菩薩

已下謂能以大心聽此實

法則知諸佛雖說三乘皆為化菩薩故

三牒明四諦

若人小智

深著愛欲

為此等故

說於苦諦

衆生心喜



得未曾有 佛說苦諦 真實無異 若有眾生 不知苦本  
深着苦因 不能暫捨 為是等故 方便說道 諸苦所因  
貪欲為本 若滅貪欲 無所依止 滅盡諸苦 名第三諦  
為滅諦故 脩行於道 離諸苦縛 名得解脫  
牒明所以說四諦之意也四諦之初為治小智愛欲故說苦  
諦使知厭離苦即生老病死由愛欲起也二為眾生深着苦  
因故說集諦使知伏斷集即煩惱惑業為苦之因為其深着  
故方便說集諦以導之使知捨離也道音導三為滅苦本絕  
其依止故說滅諦使滅盡貪欲生死諸苦即小乘涅槃也四  
為求證滅故說道諦使知進脩道者略即戒定慧廣即三十  
七品覺觀之法乃離苦脫縛之道也四法皆謂之諦者其義  
諦實當理無差故遺教云日可令冷月可令熱佛說四諦不  
可令異 是人於何 而得解脫 但離虛妄 名為解脫 其實未得  
是人於何 而得解脫 但離虛妄 名為解脫 其實未得

一切解脫 佛說是人 未實滅度 斯人未得 無上道故  
我意不欲 令至滅度  
膝上解脫非真也離虛妄為解脫即厭有著空者也得一切  
解脫即無厭無著者也為其猶有著者故說是人未實滅度  
以有厭著非無上道故不欲令證也 四結告  
我為法王 於法自在 安隱眾生 故現於世 汝舍利弗  
我此法印 為欲利益 世間故說  
結告大眾使知佛之出現說法之意而求其安隱利益也法  
印即所謂實相印 五擇機宣傳四 一大機  
在所遊方 勿妄宣傳 若有聞者 隨喜頂受 當知是人  
阿鞞跋致 勿妄宣傳 若有聞者 隨喜頂受 當知是人

勿妄宣傳為非小智所堪能隨喜受當知是大菩薩阿鞞跋致  
此云不退指地上菩薩也 二信機  
若有信受 此經法者 是人已曾 見過去佛 恭敬供養



亦聞是法 供佛言夙福之厚聞法言夙因之深故能信此

若人有能 信汝所說 則為見我 亦見於汝 及比丘僧

并諸菩薩 斯法華經 為深智說 淺識聞之 迷惑不解

一切聲聞 及辟支佛 於此經中 力所不及

我汝比丘菩薩指靈山法眾也謂在所宣傳能信汝說即見

靈山法會宛尔常存也若深智以現量證之則觸事而真淺

識以情見分別故迷惑不解

汝舍利弗 尚於此經 以信得入 况餘聲聞 其餘聲聞

信佛語故 隨順此經 非已智分

聲聞力雖不及然許以信入故凡能隨順非其智今所能皆

信力尔故須擇信機宣傳也前云是法不可示言辭相寂滅

而獨許信力堅固者能解此又許舍利弗等以信得入以信

隨順當云何信耶傳曰不言而信者天也又曰有諸已之謂

信今欲解言辭相寂之法當依不言之信信乎已而已即華嚴

五位之初十信是也彼依自性不動智以立信體令信自心

與佛無異由是覺了智佛不動萬法不遷因果不移聖凡不

二心境澗然印契實相一切相應是謂不言之信也能發是

信頃翻無明業識見聞覺知成一切種智矣則於此經以信

得入以信隨順者如此 三非機三 一非機人

又舍利弗 憍慢懈怠 計我見者 莫說此經 凡夫淺識

深著五欲 聞不能解 亦勿為說 憍怠計我即外道無

信者凡淺著欲即凡夫無信者皆在所擇 二非機業

若人不信 毀謗此經 則斷一切 世間佛種 或復頓覺

而懷疑惑 此經所詮即人人妙性是謂佛種不信而毀則

佛種斷滅業種增熾則說之不如其已益信而後言未信則

以為厲已故鬻感也又未信則以為謗已故疑惑也

三非機報二 夫心者万形之模範業者一心之影響也

世善惡一唯心造如器出模無不相類如影隨形在覆莫逃



故謗經罪報各從其類如下所列

初總標

汝當聽說 此人罪報 若佛在世 若滅度後 其有誹謗

如斯經典 見有讀誦 書持經者 輕賤憎嫉 而懷結恨

此人罪報 汝今復聽 二別釋四 一地獄報 如是展轉

其人命終 入阿鼻獄 具足一劫 劫盡更生 如是展轉

至無數劫 此斷佛種之報也 自斷佛種故 永沉幽趣 劫盡

更生謂一劫 命盡復生地獄 獄報劫數如是之長者 失性隨

業如石投水 易沉難浮 其勢然也 二畜生報 其形頹瘦

從地獄出 當墮畜生 若狗野干 常困飢渴 鰥黥疥癩

人所觸燒 又復為人 之所惡賤 受斯罪報 骨肉枯竭

生受楚毒 死被瓦石 斷佛種故 受斯罪報 骨肉枯竭

狗由苟且 害正野干 由狐疑不信 此毀謗疑惑之報也 又紫

疥癩之病 觸燒之害 乃至楚毒 鞭打瓦石 打擲 此輕賤憎嫉

之報也 頌音屈白秃也 鰥黥黑雜色 燒擾弄也

若作駱駝 或生驢中 身常負重 加諸杖捶 但念水草

餘無所知 謗斯經故 獲罪如是 有作野干 來入聚落

身體疥癩 又無一目 為諸童子 之所打擲 受諸苦痛

或時致死 於此死已 更受蟒身 其形長大 五百由旬

龍耳無足 蛇轉腹行 為諸小虫 之所啣食 晝夜受苦

無有休息 謗斯經故 獲罪如是 非毀正乘 故召駱駝 乘負之報 疑情 偏見 故召野干 一目之

報來入聚落 即業力 所使 自求 打擲 也 蟒大蛇 性多 嗔 乃 憎

嫉 結恨 之 報 龍 無 聞 駱 無 識 亦 不 信 之 類 也 三 人 間 報

若得為人 諸根暗鈍 矬陋孿瘓 盲聾背偻 有所言說

人不信受 口氣常臭 鬼魅所著 貧窮下賤 為人所使

多病瘠瘦 無所依怙 雖親附人 人不在意 若有所得

尋復忘失 若脩醫道 順方治病 更增他疾 或復致死

若自有病 無人救療 設服良藥 而復增劇 若他反逆



抄劫竊盜 如是等罪 橫罹其殃

蔑智慧明故六根暗鈍毀正法身故短醜陋手拘攣足跛  
壁也有所言說等即謗誹口業之報附而不親乃至橫遭殃  
罪者為不順正理故報皆乖背也上明業報次明難報

如斯罪人 永不見佛 眾聖之王 說法教化 如斯罪人

常生難處 狂聾心亂 永不聞法 於無數劫 如恒河沙

生輒聾啞 諸根不具 不見佛不聞法皆難報也 如恒河沙

常處地獄 如遊園觀 在餘惡道 如已舍宅 駝驢猪狗

是其行處 謗斯經故 獲罪如是 是謂常生難處

園觀舍宅 僻遊處於是 不暫離也 是謂常生難處

若得為人 聾盲瘖瘂 貧窮諸衰 以自莊嚴 水腫乾瘠

疥癩癰疽 如是等病 以為衣服 身常臭處 垢穢不淨

深着我見 增益嗔恚 嬌欲熾盛 不擇禽獸 謗斯經故

獲罪如是

以病為衣服言難脫諸衰也身常不淨嬌熾不擇由弃捨淨

業增長惡習

四通結三

告舍利弗 謗斯經者 若說其罪 窮劫不盡 以是因緣

我故語汝 無智人中 莫說此經 初正機 如是之人

若有利根 智慧明了 多聞強識 求佛道者 深心堅固

乃可為說 若人曾見 億百千佛 植諸善本 不惜身命

如是之人 乃可為說 若人精進 常修慈心 離諸凡愚 獨處山澤

乃可為說 若人恭敬 無有異心 又舍利弗 若見有人 捨惡知識

如是之人 乃可為說 如是之人 乃可為說 若見佛子 持戒清潔

親近善友 如是之人 求大乘經 如是之人 若人無嗔

如淨明珠 求大乘經 如是之人 恭敬諸佛 乃可為說

質直柔輒 常愍一切 以清淨心 種種因緣 若有一切智

復有佛子 於大眾中 乃可為說 若有比丘 為一切智

說法無礙 如是之人



四方求法 合掌頂受 但樂受持 大乘經典 乃至不受

餘經一偈 如是之人 乃可為說 如人志心 求佛舍利

如是求經 得已頂受 其人不復 志求餘經 亦未曾念

外道典籍 如是之人 乃可為說 二下結正機 窮劫不盡 如是等人

精確鑽仰 如求舍利 求佛道者 窮劫不盡 如是等人

告舍利弗 我說是相 汝當為說 妙法華經 窮劫不盡 如是等人

則能信解 汝當為說 妙法華經 窮劫不盡 如是等人

如上正機 正行不可勝舉 聊示大略 使以類擇 授之正法也

二中根領悟 妙法蓮華經信解品第四

信解者因聞喻說以信得入悟解法要也前法說一周身子

於喻品之初領悟佛於喻品述成與記喻說一周四大弟子

於此品領悟佛於藥草品述成授記品與記然大迦葉為上

首弟子而領悟後於身子者此經融會二智身子當機故先

領悟也諸大弟子皆內秘外現根非中下悟無先後為助揚

法化故次第敷陳也文五 一聞法喜踊

尔時慧命須菩提摩訶迦旃延摩訶迦葉摩訶目犍連從佛所

聞未曾有法世尊授舍利弗阿耨多羅三藐三菩提記發希有

心歡喜踊躍 須菩提年德高眾故稱長老或曰具壽或曰

慧命戒經云是人佛法中能得智慧命是也合先列大迦葉

而先須菩提者亦當機故也須菩提解空第一而聲聞但念

偏空於菩薩法心不喜樂今乃捨空法證實道故以解空人

表叙至下說偈即當迦葉及授記亦先迦葉乃正序也

二叙信解情二 一叙昔失

即從座起整衣服偏袒右肩右膝著地一心合掌曲躬恭敬瞻

仰尊顏而白佛言我等居僧之首年並朽邁自謂已得涅槃無

所堪任不復進求阿耨多羅三藐三菩提 祖跪不唯

偏右肉袒示降志尊法右膝虔跪示屈節致欽也祖跪不唯



西竺之禮此方春秋鄭伯肉袒降楚示為臣僕及禱則跪壇  
祭則跪奠皆致欽也白佛已下叙其早耽小乘晚聞大道之  
意此總標下自釋

世尊往昔說法既久我時在座身體疲憊但念空無相無作於  
菩薩法遊戲神通淨佛國土成就眾生心不喜樂

說法既久指四十年說小教時也以疲憊故但念小乘空法  
不復求進也空無相無作即小乘三解脫門也智者謂依四  
諦以觀諸法無我我所名空以空故万法一異等相實不可  
得名無相知一切法無相不可得即於三界無所願求不復  
造作三有生死之業名無作亦名無願由是離諸苦縛而得  
解脫然此特小法不足念也菩薩法即大乘法也遊戲神通  
等即大乘行也彼唯樂小沈空趣寂故於大法大行心不喜樂  
所以者何世尊令我等出於三界得涅槃證又今我等年已朽  
邁於佛教化菩薩阿耨多羅三藐三菩提不生一念好樂之心

足而以淨佛土化衆生之事為外所以者何等憊但念空無  
相無作之文以釋都無欣樂之意

我等長夜

於佛智慧

無貪無著

無復志願

而自於法

謂是究竟

此憊聞般若無有志求

我等長夜

脩習空法

得脫三界

苦惱之患

住最後身

有餘涅槃

佛所教化

得道不虛

則為已得

報佛之恩

此憊勤加精進得至涅槃一日之價自以為足之意凡以迷  
滯冥然莫曉故屢稱長夜以出三界證小果為已得道為已  
報佛皆迷滯也

我等雖為

諸佛子等

說菩薩法

以求佛道

而於是法

未無願樂

導師見捨

觀我心故

初不勸進

說有實利

如富長者

知子志劣

以方便力

柔伏其心

然後乃付

一切財物

佛亦如是

現希有事

知樂小者

以方便力

調伏其心

乃教大智

此憊轉教菩薩自無志願而佛亦



縱捨之意明佛之縱捨蓋欲調伏其迴心乃教大智如富長者云云乃雙膝法喻惣結滯權也所以重重翻陳者二乘曠劫為樂小之心誤甚今既造大乃知深悔故歷陳昔失而反覆言之以據所懷如人憤劇必厲聲疾詬而後快然則文似繁重實有深意也

我等今日

得未曾有

非先所望

而今自得

得無量寶

世尊我今

得道得果

於無漏法

得清淨眼

我等長夜

持佛淨戒

始於今日

得其果報

法王法中

久脩梵行

今得無漏

無上大果

我等今者

真可聲聞

以佛道聲

令一切聞

我等今者

真阿羅漢

於諸世間

天人魔梵

普於其中

應受供養

慶今始得真實道果

知昔所得皆非真也所謂得道得果者於無漏法得清淨眼是也無漏法者諸法實相上妙法也清淨眼者諸佛知見正法眼也昔持淨戒雖得果報非真道果特實行尔故曰長夜

持戒始於今日得其果報昔脩梵行雖得小果非真無漏特權息尔故曰久修梵行今得無漏無上大果夫然後乃可振揚道聲為直聲聞乃可普受應供為真羅漢斯皆調伏誘進之大恩也故下頌大恩而念報

世尊大恩

以希有事

憐愍教化

利益我等

無量億劫

誰能報者

手足供給

頭頂禮敬

一切供養

皆不暇報

若以頂戴

兩肩荷負

於恒沙劫

盡心恭敬

又以美饍

無量寶衣

及諸卧具

種種湯藥

牛頭栴檀

及諸珍寶

以起塔廟

寶衣布地

如斯等事

以用供養

於恒沙劫

亦不能報

以希有事方便憐教是謂大恩前修空法證小

果自謂已得報佛之恩既不足報此又欲窮手足有頂之內財極美饍衣寶之外財思以長劫供養亦不能報何以故內外諸財皆有為法不與大恩相應故

諸佛希有

無量無邊

不可思議

大神通力

無漏無為



為大菩薩

以諸因緣

種種譬喻

若干言詞

說無上道

諸佛子等

從我聞法

日夜思惟

精勤修習

是時諸佛

即受其記

汝於來世

當得作佛

一切諸佛

祕藏之法

但為菩薩

演其實事

而不為我

說斯真要

如彼窮子

得近其父

雖知諸物

心不希取

我等雖說

佛法寶藏

自無志願

亦復如是

佛勅我等至說無上道頌為說般

若令轉教也諸佛子等至當得作佛謂轉教之眾各獲大利

也一切諸佛至說斯真要慨雖聞般若自不希求如彼窮子

云云皆為滯權故迷實也此後翻牒前文廣叙滯權之意

我等內滅

自謂為足

唯了此事

更無餘事

我等若聞

淨佛國土

教化眾生

都無欣樂

所以者何

一切諸法

皆悉空寂

無生無滅

無大無小

無漏無為

如是思惟

不生喜樂

此牒品初自謂已得涅槃不復求進菩提於菩

薩法心不喜樂等文謂滯權之故獨以內滅煩惱取小果為



